

懷集縣志第一冊

吳川志 356

76974

地
部

中華民國五年刊

懷集縣志

第壹冊目錄

輿地志

繪圖

沿革

分野

疆域

廂里

山川

建置志

城池

公署

屬署

倉庫

學校

壇廟

陂塘

風俗

節序

氣候

舖舍

市廛

坊表

亭臺

津梁

續輯懷集縣志叙

立於中國大舞臺之上四顧神州茫茫大陸縱橫三萬里上下五千年欲周知夫輿圖廣柔戶口登耗賦稅增減歷朝之沿革盛衰與夫偉人循吏忠孝節廉之後先相望端咨乎史顧天下者郡縣之集合體也郡縣者天下之攝影圖也一邑中之地理之歷史之學校之軍事之人物徵輸或彼此各別或今昔殊形倫無紀載不難質於茫然其曷以治則縣之有志尙已吾邑舊志自前清同治十二年曾君一春修輯後迄今垂四十餘稔其間金鷄松柏割隸信都而疆域異綫撒綠營兵弁而軍制異廢科舉設學校而造士之典異民國定鼎權稅增額清賦加徵而國家稅之徵收亦異重以亂事頻仍劫案迭出簡頭大筮擾於前會匪民軍騷於後世治亂得失之林及今弗紀後將難稽邑父老懼其久而無徵也謬稱僕偕周君子鵬李君子亮林君禹九分科續輯僕本駑材敢膺鉅任惟徵文攷獻邑人之責也爰不揣謏陋與周李林三君勉成之用備將來參攷云爾敢言修纂哉抑余聞之觀天下於國觀國於鄉邑內版圖田賦丁口物產災祥風俗暨民政財政軍政諸大端鞏然具備是亦中國一小舞臺也來軫方道前車可鑒

懷集縣志

卷一

叙

一

廣州市十八甫石經堂承印

後之覽軼事者見伏莽未清思有以弭之河消梗塞思有以通之四境瘡痍思有以撫之人才實業之頹落思有以振興之求克副我

大總統再造共和之至意俾吾懷依附民國永永存在以萬斯年此則余所厚望也夫閱載載事因勉而并綴以言

中華民國五年歲在丙辰秋月

邑人植自森撰

續輯懷集縣志叙

蓋聞國家由郡縣而積郡縣一政治之小節圖也政治有得失斯有興衰考鏡得失之林莫善於史國史然邑乘何獨不然抑又聞之莫爲之前雖美弗彰莫爲之後雖盛弗傳傳其盛而鋪張揚厲文人優爲之莫難於多事之秋而連年兵燹警眼滄桑大有前人不及載者曠世後展轉傳聞幾何不扣槃當日此非邑人士之責而誰責歟懷集縣志自曾孝廉浚仁修纂後閱帝國而民國其間輿圖之沿革人物之盛衰地方之治亂書缺有聞忽忽已四十餘年况僞民軍踞城騷擾案檔版籍盡付祖龍舊志之留貽幾如馬跡蛛絲閱時即難尋覓甲寅冬集議續輯公推寅與植君自森周君贊元林君錫疇分任其事自維譴陋大懼貽笑方家但丁茲絕續之交不得不勉隨諸君後以襄成完帙夫補闕拾遺極盛恒難爲繼然苟無關於民社亦惡用是亟亟爲同事勗哉豈惟是摛藻揚芳侈談典麗哉夫亦日記實而已於訪事貴詳於屬辭貴簡是非必衷公論義例必紹先型剔弊起衰蘄合於類物情而通衆志俾後人流覽遺編憬然於邑里若何而奠安民物若何而康阜學校若何而振興邊境若何而戢靖莫不瞭如成跡之可

懷集縣志

卷一

叙

二

廣州市十八甫石經堂承印

稽吾知官斯土者必有以撫綏而培養之生斯地者必有以維持而翊贊之行見五里之民煙火萬家絃歌四境優游於蟹筐蠶績之天則志之係乎國計民生未始無涓埃之助也若夫潤色鴻業歌詠太平所望於後有作者

中華民國五年丙辰秋

邑人李惟寅撰

續輯懷集縣志

纂修

清舉人福建鹽大使

周贊元

清舉人兩廣鹽大使

李惟寅

清舉人長蘆鹽經歷

植白森

清舉人同知銜簡選知縣

林錫疇

編校

清附貢生

鄧宸英

清附生

劉錫禧

懷集縣志 卷一

參訂兼庶務

清附生

鄧燦英

重修懷集縣志

目錄

冊一第 輿地志

繪圖 沿革 分野 疆域 廂里 山川 陂塘 風俗 節序 氣候

建置志

城池 公署 屬署 倉庫 學校 壇廟 舖舍 市廛 坊表 亭臺 津梁

冊二第 賦稅志

田賦 權稅

秩官志

秩官 宦績列傳

懷集縣志 卷一 目錄

冊三第 兵防志

武署 兵款 營寨 武秩 武績列傳

選舉志

科第 貢途 優行 保舉 贈封 恩錫 邑紳職官 學校畢業

人物志

鄉行 孝行 聖裔 列女

冊四第 縣事志

明 清 民國

藝文志

經 志 傳 詩文集 雜著

雜事志

祠廟附殉難錄

往蹟

仙釋

神異

物產

地應

糴糧

懷集縣志

卷一

目錄

二

廣州市十八甫石經堂承印

凡例

一地志以輿地而修建置因之賦役又因之秩官以爲理兵防以爲衛選舉人物次第相仍志書例多如此今循之其中失倫序者更定 舊例

一懷集在明以上隸屬不常唐威州當是重鎮故南漢封川一勝馬楚大盛蓋要地也而舊志竟不能考及宋元故凡事不得不斷自明始 舊例

一區村謝三志俱無存者梁稿性據李志及訪聞補之其李本排偶掩志雜亂無章者悉爲更易所據續志則梁駢稿本也 舊例

一舊志止一總圖繪未如法今依開方法繪分合圖圖皆有說

一兩粵星野蔡撤之論明確今志補入

一懷集地忽分忽合乍東乍西疆域沿革莽如亂絲故前志從畧今本各史及郡國志詳考歷朝疆地分合立表

一李志府志所載學田頃畝以全書則例推之皆非實數恐後來據爲定額必致有額無田矣故力

懷集縣志

卷一

凡例

廣州市十八甫石經堂承印

辨之 舊例

一錢糧兵制爲經政之大前志於各宗錢糧軍屯半役以及兵制並未一言叙及後使後人閱之杳無頭緒今悉爲校正並逐項詳其緣起庶一目瞭然

一錢糧征收支解以及兵額軍餉但按同治實數編入

一權稅爲地方大政明朝歸民 清朝歸縣正社奸僞也前志於稅則娓娓言之而未經補入此全書之缺

一顧志修於乾隆二十年至今百餘年並未續纂重以兵燹案卷無存故秩官不無遺漏

一學校條約非年久論定者不得舉鄉賢名宦非始終無議者不得舉孝子節婦非鄉里推服者不得舉鄉飲賓僕在李志後者一遵此例 舊例

一武職原叙文官之後府志改入兵防明專責也最得倫理今從之吏目是文職不得不從其類而土巡檢爲武事設者亦附焉 舊例

一官績既從文武績宜從武方成義例李志以武績入人物中未當故更定之

一定國捍患宜在祀典何本始建縣城錢家寶蘇志梁才珍手平大難能世其官許桂卿目不知書

以死動事雖不祀春秋宜立傳後故特收入武績

一名宦鄉賢例當定自 朝廷非志乘所敢私許故通志易名宦爲宦績統鄉賢於列傳著其實也
今志遵

一名宦鄉賢從府志補入楊韜歐守中宦績從省志補入李鵬舉行從粵西文載補入林絢林繹
從採訪冊補入盧際泰鄧奇芳

一前志雜事志內有編年一目所載一代治亂兵戎以及蠲賑災祥皆地方大事前志載於鬼神地
隱之末今按通志元張用鼎金陵通志創通紀一門以具歷代因革古今大要其於郡邑舊事
若網在綱其體最善撰志乘者所當沿其例而擴之勒爲紀事專篇以上繼外史之職是故通
志立前事志府立郡事志今改編年爲縣事志爲一綱

一萬歷武功紀土司傳言懷事最詳均應補入道光征徭一案從 聖武紀分段採入

一懷集縣事 清朝莫大於咸豐時破城一案皆現在事官有成案民有口碑必詳必實

一范成大吳郡志以詩文分註各條之下不入藝文通志藝文略專載本處官紳著述分經史子集
以及志乘雜記詩文集每書但載其叙使知緣起今遵用之

懷集縣志

卷一

凡例

二

廣州市十八甫石經堂承印

一詩文有關地方政事有資考據者始按類收入

一舊志城內本有忠義祠今廢咸豐初前縣李萱建義勇祠以祀陣亡兵團今即改名忠義祠以祀
殉難各官而以兵勇團練從祀至殉難各官事迹即載於志內忠義祠下以便稽考而陣亡兵
勇團練名字均照縣案載入殉難錄附在忠義祠下

一修志經費或專向邑中富戶監生耆老人等派捐其甚者或捐入節孝鄉行遂至斗米佳傳貽議
穢史此修志之大弊也今先按四十八堡大小每堡公派捐銀若干然後各堡或照糧派捐或
向山場派捐或向本堡公捐任其各鄉俗所宜不收分毫私捐闔邑公辦 以上係孫志舊例
續增凡例

一孫志自曾先生滋仁於同治十二年纂修至今垂四十餘年其間輿地之割隸賦稅之增改建築
之興廢國體之變更以及地方治亂人物盛衰事與時殊萬難視今猶昔加以吾邑辛亥僞民
軍之變案檔全燬板籍蕩然若再歷年所必至文獻無徵傳聞卒多失實故此次續輯爲目前
必要之圖編者爰於例首揭明宗旨

一前志仍照原文翻刻並無刪改示重典型惟逐類增加務求擇要刊訛以徵實錄

一前志邑紳職官附於科第名下未免太混且不由科第而登仕籍者代不乏人前志從畧今增邑紳職官一類以求完備

一前志選舉內例載科第貢途優行各門今科第已廢國家以學校畢業爲士人登進之階故續輯自中學畢業以上概行增錄

一縣事莫大於辛亥年僞軍踞城一案路有口碑志內特詳

一此次修志經費暨由地方公款提撥並無按堡派捐以刪煩擾

一是編續輯開始於民國四年乙卯歲之春歲事於民國五年丙辰歲之秋並將前志翻刻合成一帙縮小裝訂都凡四冊較便舟車

懷集縣志

卷一

凡例

三

廣州市十八甫石經堂承印

同治十二年懷集縣知縣燕山孫汝霖續修縣志叙

百里古侯國也邑之乘卽國之史也其中城郭人民學校軍政與夫防邊弭盜諸大端皆有一代之成憲而法戒備焉膺斯土者欲因革損益以奠安吾民則考鏡莫詳乎是懷自咸豐後兵燹頻經陷城者再蓋多事之秋也同治辛未余下車伊始訪求故志則原板已燬其遺編卒皆闕軼而不可讀月乾隆乙亥顧侯重修而後迄於今風會亦既殊矣俯仰上下人民之聚散城郭之滄桑軍籍之盈虛學校之隆替與夫邊疇蠻獠之習嶋潢池赤子之盜兵天消循環人事變遷而方冊缺如者蓋一百一十八年 天子重民社之寄當事者坐聽往迹銷沈典章汨沒其何以重地方而振吏治哉越年壬申乃與邑紳議修葺則衆志簽同遂詳請 列憲屬會孝廉汝霖爲總纂時檔案已散文獻無徵乃廣搜博採余時爲商定適於十月受代後任趙君子繩復詳爲釐正越年而書始成凡十卷夫前事者後事之師也猶是城郭人民而安危何以異猶是學校軍政而興廢何以異猶是弭盜防邊而治亂剿撫何以異遺編三復當必有怵然思愾然悟者昔朱文公治郡所至必取圖籍周覽詳究務於國計民生有濟則志之有關於政治而法戒於後世者誠匪細也而况修於多事之秋也猶

懷集縣志

卷一

前叙

廣州市十八甫石經堂承印

憶蒞懷之日嘗以拙名齋離亂後竊欲與時休息以奠安吾民固無殊功異政可附宦績諸公後心滋愧焉懷之人士幸戎馬之旣靖際 聖代之文明植學砥行以增光邑垂則余之所厚望也夫前纂修銜名

總裁

同知銜署懷集縣知縣孫汝霖

明江同知署懷集縣知縣趙準

總纂

候選同知舉人曾滋仁

協修

候選郎中舉人陳之梅

揀選知縣舉人莫之京

校對

邑廩生 鍾起元

參校

候選訓導貢生莫敬熙

候選訓導廩貢黃克昌

邑廩生 鄧以藩

掌局

候選訓導生員羅汝瑜

督刊

候選縣丞 袁昌

例貢 周雲正

謄錄

生員 鄧以充

懷集縣志 卷一

前志 衙名

二

廣州市十八甫石經堂承印

懷集縣志卷一

輿地志

繪圖 沿革 分野 疆域 廂里 山川 陂塘 風俗 節序 氣候

三王之爲治也以里數均天下以爵地等邦國以井田域民以職事任官秦漢而下創置摹畫凡十里之域萬戶之郭其山林原隰水泉陂池皆足以衣食其民使無乏絕蓋其初逐水草其後成廬成聚長人者因而撫定之降及郡縣而人益皆於定制矣懷集界廣東七州縣獨西北通賀縣改隸之後竹木穀米之利聊足自完獨以壞錯民搖籍兼主客醇澆之習相半雜柔之勢難齊酌古籌今咸調各適是在賢司牧之善治也志輿地

繪圖

志輿地必始於繪圖所以辨方隅代用覽置圖而語猶夫捫燭叩槃披圖而談適若列眉指掌建置之形賦役之數秩官之蹟兵防之要選舉之所膺人物之所產藝文之敷官靡竟雜事之紛頤難窮皆可因是而推懷志舊圖具在然圖不開方向以知遠近圖無分合何以詳險要故重繪諸圖以副

懷集縣志

卷一

輿地志

廣州市十八甫石經堂承印

今昔圖不能繪者詳於志中

懷集縣全圖說

懷集地界八州縣而廣東居其七獨西北一隅重山複嶺孤懸於賀縣信都如贅疣然故前代皆隸於東大小諸水出於懷亦滙於懷竹木順流而東利在而害伏焉奸回之所集也地方有事實爲西粵東南之門戶本省輟長莫及鄰省統轄無關聚米而籌邊防八面繭絲保障誠未易才也地南北三百里東西二百餘里



附城十二堡說

河南 佛燈 石龍 楊村 黃岡 仁親 譚舍 大利 柑橋 盤村 階洞
渡頭

懷城內少民居無舖戶無積貯猝然有變所持者十二堡十二堡以城為樞紐城以糧為本己未之役備糧不滿六千石幾慢大事則積貯其先務矣至渡頭堡地界廣寧人居稀少雖不足以固邊防而大溪貫其中稅廠在焉水陸往來之地奸回睥睨之場伏莽猝起民壯無幾聯絡鄉團未始不足以資彈壓顧非臨變者所能辦也地東至渡頭堡大浪卡八十里西至黃岡堡關馬三十里南至河南堡珠洞三十里北至楊村堡杜步三十里東北大利堡坑尾二十五里西北石龍堡鶴塘二十五里東南甘橫堡甘洞三十里西南仁親堡關岡三十里

上坊十六堡說

梁村 高村 紗帽 沙田 上秀栢 嶺樓選 連會 三丫 下秀栢 寨林
村廂 藍鐘 觀塘 畝田 上愛 草岡

懷集縣志

卷一

輿地志 繪圖

二

廣州市十八甫石經堂承印

上坊十六堡於前代為泮水縣平疇沃野烟戶數萬財賦所出之鄉盜賊必爭之地奸回聚集之場而以梁村墟為樞紐地方有變萬人立聚昔張中丞凱嵩令懷嘗曰能於此間整頓治懷思過半矣地平坦無險可阨四境多事惟有預築寨堡堅壁清野一法而已至西山一帶重山峻嶺三縣交衝千家僑寓自萬歷嚴秀珠之亂兩省大兵馳剿而後三縣皆設耕兵撫民以為之守承平日久忘其職業地方有變伏莽之患其能無慮乎地極縣治西北百二十餘里

東北方鳳羅岡七堡說

鳳岡 羅岡 七坑 汶塘 草 甘酒 屈洞

懷集邊陲之重莫如鳳羅一帶南北百餘里東西如之西與南界內地餘界連陽清遠廣寧並排猶北之茶巖白水東之風門籬篔黃石皆要地唐黃巢明一枝虎近時陳今訂周蠢諸大寇皆自東來此非營汛所能禦也顧其地有險可扼如籬篔開誠可一夫當關者乃陳逆夜襲禍延三載則地利不如人和也俗山居民氣樸而毅尙可用己未之變擊鼓百里慷慨登陣滋足嘉矣咸豐後聯階洞八堡為一團地曠路迂策應匪易同心共濟庶幾東方之屏蔽耳地極縣東百餘里東北二百餘里

北方白沙六堡說

馬舉 歐塘 連逕 麥鳥 下帥 八甲

白沙四堡前明猺亂爲最衝地下帥錯連山猺匪蹂躪之鄉而實爲四堡八甲之屏蔽以水下一汛爲重關國初撥左江鎮駐守而協以鄉兵北援下帥南衛四堡遂屹然爲北門之鎖鑰尋即裁去咸豐後遂爲盜賊之慣路蓋藩籬盡撤矣四堡地雖廣山亦多而無險可扼地方有變築寨立堡堅壁清野鄉守之長策也地極縣治正北百餘里

南方六堡說

詩洞 又詩 永詩 永固 寧洞內 寧洞外

南方六堡於前代爲永固縣永固堡界廣寧寧洞界開建封川惟詩洞兼之而重界德慶前明邊防在北三洞無事故備邊十九營詩洞居其一今則猺匪少而游匪多詩洞爲三邑通衢盜賊門戶故每爲懷累則今昔之勢殊也顧三洞皆有險可扼與鳳岡同一百里重山峻嶺居然巖邑故古縣以永固爲名且俗頗材武而詩洞亦爲富庶之鄉地方有變六堡同心北濟不獨三洞肅清即全縣無

懷集縣志

卷一

輿地志 繪圖

三

廣州市十八甫石經堂承印

南顧之憂矣國初以開建礦徒之變設把總於大岡今若移駐詩洞邊疆有事與縣城聲氣相通於地方不無稍補耳地極縣西南白崖百六十里

懷集縣城圖說


懷城後倚登雲前臨南溪西滙三江東控塔嶺亦勝地也顧城外沿街舖戶於城爲唇齒河南於城爲犄角東北爲濠塘皆所以衛城也是故守城必先守街四面營壘藩籬固而金城百尺矣守城之役詳載編年亦留心經世者之一助乎城東西直各一百二十九丈南北橫一百一十八丈塚口九百四十有五

觀雲臺

北
西 — 東
南

懷集縣城圖

民居
城
河流
鋪戶



中學校

東書房

東書房

東門街

天后廟

南河

洋橋

鋪戶

歷代沿革表

曾宏仁曰懷地分合考之郡國志書漢曰四會地又曰封陽地唐曰威州地又曰齊州地如此類者紛如亂絲未易懸斷宜將縣地於唐前畫分南北北爲泮水南爲懷集然後按之史書無不脗合矣

唐前縣北海水縣分合考

泮水縣在漢爲封陽地南齊爲泮安隋置連州統十縣桂嶺泮安屬焉唐武德四年於縣置齊州領泮安宣樂宋昌三縣貞觀元年州廢省宣樂宋昌入泮安屬綏州（今肇慶廣寧地）未幾廢置泮州縣仍屬十三年屬廣州至德二年改爲泮水此唐以前懷集北邊泮水縣之分合也

唐前縣北懷集縣分合考

懷集縣漢四會縣地晉爲懷遠劉宋爲懷集至唐武德五年於縣置威州領興平懷集霍清威成四縣貞觀元年州廢省興平霍清威成入懷集屬綏州未幾廢置泮州縣仍屬十三年屬廣州至開元二年又省永固入懷集此唐以前懷集南邊疆地之分合也（省志沿革表晉爲四會縣）

懷集縣志

卷一

輿地志

沿革

四

廣州市十八甫石經堂承印

宋開寶二年又省泮水入懷集此今日懷集之全疆也立表於左